

**1. ხელშეკრულების დამდები მხარეები**

1.1 ერთი მხრივ, ა(ა)იპ ზესტაფონის მუნიციპალიტეტის სკოლამდელი აღზრდის დაწესებულებების გაერთიანება (შემდგომში - შემსყიდველი) წარმოდგენილი მისი მმართველის -ზოია ლელაძის სახით და მეორეს მხრივ შ.პ.ს „ახალი ქსელები“ (შემდგომში - მიმწოდებელი) წარმოდგენილია მისი ქუთაისის განყოფილების მმართველის ლილა ფხაკაძის სახით.

**2. ხელშეკრულების საგანი**

2.1 გამარტივებული შესყიდვის საშუალებით ზღვრების შესაბამისად- ინტერნეტ მომსახურების დანაყოფი კლასიფიკატორის CPV კოდი 72400000 - ინტერნეტ მომსახურებების შესყიდვა.

მიმწოდებელმა აიღო ვალდებულება გაუწიოს შემსყიდველს ინტერნეტმომსახურება

528 (ხუთასოცდარვა) ლარად დღე-ს ჩათვლით (შემდგომში - „ხელშეკრულების ღირებულება“).

2.2 ხელშეკრულების 2.1. პუნქტში აღნიშნულ ფასში შედის საქართველოს კანონმდებლობით გათვალისწინებული ყველა გადასახადი და მოსაკრებელი.

**3. შესყიდვის ობიექტის მახასიათებლები**

3.1 სატელეფონო და ინტერნეტ მომსახურების ტარიფები, სიჩქარე და დასახელება მოცემულია ხელშეკრულების დანართ N1 და დანართ N2-ში, რომელიც წარმოადგენს ხელშეკრულების განუყოფელ ნაწილს.

**4. მომსახურების გაწევის პირობები და ვადები**

4.1 მომსახურების გაწევა განხორციელდება 2017 წლის 01 იანვრიდან 2017 წლის 31 დეკემბრის ჩათვლით.

**5. შესყიდვის ობიექტის მიღება-ჩაბარების წესი**

5.1 საანგარიშო თვის დასრულებიდან არაუგვიანეს 10 (ათი) სამუშაო დღეში მიმწოდებელი შემსყიდველს წარუდგენს გაწეულ მომსახურებაზე საგადასახადო ანგარიშ-ფაქტურას დადგენილი წესის მიხედვით.

**6. ანგარიშსწორების პირობები**

6.1 ანგარიშსწორების ფორმად განისაზღვროს უნაღდო ანგარიშსწორება ეროვნულ ვალუტაში.

6.2 ანგარიშსწორება განხორციელდება მიმწოდებლის საბანკო ანგარიშზე საანგარიშსწორებო თვის მომდევნო თვის 25 რიცხვამდე. თუ აღნიშნულ ვადაში შემსყიდველმა არ დაფარა სატელეფონო დავალიანება, ის გაფრთხილებული იქნება მომსახურების მიმწოდებლის მიერ, ავტომოპასუხის მეშვეობით, არა უადრეს 3 დღისა, სამუშაო დღის წინა სამუშაო დღეს, მომსახურების 25 რიცხვამდე გადაუხდელობის შემთხვევაში მისი ცალმხრივად (გამავალი) შეზღუდვის შესახებ. ყოველი თვის 20 რიცხვში მომსახურების „მიმწოდებელი, სხვა მომსახურების მიმწოდებლებისგან მიიღებს იმ აბონენტთა ჩამონათვალს, რომელიც გაფრთხილებულ იქნა დავალიანების გამო მოსალოდნელი შეზღუდვის შესახებ, რის საფუძველზეც დავალიანების მქონე აბონენტს 20 რიცხვში, ეზღუდება მომსახურების ის სახე, რომლის დავალიანებაც ერიცხება (ანუ საერთაშორისო, საქალაქთაშორისო, ინტერნეტი, მობილურით მომსახურების დავალიანების შემთხვევაში შესაბამისი კოდით მომსახურება), ხოლო აღნიშნული დავალიანების 25 რიცხვამდე გადაუხდელობის შემთხვევაში მომსახურება შეეზღუდება ცალმხრივად (გამავალი ზარები). შემსყიდველი, რომელსაც მომსახურება შეეზღუდა ცალმხრივად 25 რიცხვში, 60 დღის განმავლობაში შეზღუდვის აღდგენისთვის მიმდინარე დავალიანებასთან ერთად დამატებით იხდის აღდგენის ღირებულებას - 1 (ერთი) ლარს. აღნიშნულ ვადაში შეზღუდვის აღმოუფხვრელობის შემთხვევაში „შემსყიდველს“ მომსახურება უწყდება და სააბონენტო გადასახადი ერიცხება კიდევ ერთი თვის განმავლობაში, თუ შემსყიდველი წერილობით არ განაცხადებს უარს სატელეფონო ნომრის და ხაზის შენარჩუნებაზე. ამ პერიოდში შემსყიდველმა მომსახურების აღდგენისთვის დარიცხულ

დავალიანებასთან ერთად უნდა გადაიხადოს აღდგენის ღირებულება – 5 (ხუთი) ლარი. ერთი თვის შემდეგ ხელშეკრულება შეწყვეტლად ითვლება და შესაძლებელია ოპერატორის მიერ სატელეფონო ნომრის გაცემა სხვა მომხმარებელზე. ხელახალი დადგმა (აღდგენა) მოხდება ტექნიკური საშუალების არსებობის შემთხვევაში, ძველი დავალიანებისა და ოპერატორის მიერ დაწესებული ტელეფონის ხელახალი დადგმის (აღდგენის) საფასურის გადახდის შემდეგ.

6.3 ფაქტიურად გაწეული მომსახურების ღირებულების ანაზღაურება იწარმოებს, ხელშეკრულების 5.1. პუნქტში მითითებული დოკუმენტის საფუძველზე.

## **7. მხარეთა ვალდებულებები:**

### **7.1 მიმწოდებელი ვალდებულია:**

7.1.1 უზრუნველყოს მომსახურების გაწევა ხელშეკრულების პირობების განუხრელი დაცვით.

7.1.2 უზრუნველყოს თავისი ტექნიკური საშუალებების გამართულ მდგომარეობაში ყოფნა და დროულად აღმოფხვრას შეფერხებები;

7.1.3 დროებით სარგებლობაში გადასცეს შემსყიდველს კავშირის უზრუნველსაყოფად საჭირო აპარატურა, მათ შორის WIFI-ის მოდემის დროებით სარგებლობაში გადაცემისათვის შემსყიდველი დამატებით იხდის თვეში 2 (ორი) ლარს.

7.1.4 დაიცვას კონფიდენციალურობა წინამდებარე ხელშეკრულების მოქმედების ვადის მთელ პერიოდში.

7.1.5 ქსელის ან ტექნიკური მოწყობილობების დაზიანების შემთხვევაში გამომწვევი მიზეზებისა და მხარეთა ბრალეულობის გარკვევამდე, მხარეთა შეთანხმების შემთხვევაში, საკუთარი ხარჯებით აღმოფხვრას გაუმართაობა.

### **7.2 „შემსყიდველი“ ვალდებულია:**

7.2.1 აღნიშნული ხელშეკრულების შესასრულებლად მიმწოდებელს გამოუყოს ფართი საჭირო აღჭურვილობისათვის და უზრუნველყოს ხარისხიანი ელექტროენერგიით, აპარატურაზე ელექტროდამცველის გამოყენებით. წინააღმდეგ შემთხვევაში ელექტროენერგიის მიზეზით დაზიანებული აპარატურის თანხას გადაიხდის „შემსყიდველი“.

7.2.2 განახორციელოს მიმწოდებლის მიერ შემსყიდველისათვის გადაცემული აპარატურის მოვლა და დაცვა. აპარატურის დაკარგვის ან შემსყიდველის ბრალეულობით აპარატურის დაზიანების შემთხვევაში შემსყიდველი იღებს პასუხისმგებლობას ანაზღაუროს შესაბამისი თანხები კერძოდ: თითოეული ADSL მოდემი -35 ლარის ოდენობით; ოპტიკური WiFi-ის მოდემი 238 ლარი; კვების ბლოკი- 10 ლარის ოდენობით; ქსელის კაბელი -5 ლარის ოდენობით; ფილტრი - 5 ლარის ოდენობით; ოპტიკური პაჩკორდი 5 ლარის ოდენობით;

7.2.3 მიმწოდებლის მიერ შემსყიდველისათვის დროებით სარგებლობაში გადაცემული და მის ტერიტორიაზე დამონტაჟებული აპარატურა ხელშეკრულების ვადის გასვლისას ან მისი ვადაზე ადრე შეწყვეტის შემთხვევაში დაუბრუნოს მიმწოდებელს. აპარატურის დაბრუნებაზე დგება მიღება-ჩაბარების აქტი, რომლის 1 ეგზემპლარი გადაეცემა შემსყიდველს.

7.2.4 მომსახურების შეწყვეტის ან შეფერხების შემთხვევაში, დაუყონებლივ (მაქსიმუმ ორი დღის ვადაში) აცნობოს ამის შესახებ „მიმწოდებელს“ წერილობით ან ზეპირად „მიმწოდებლის“ ცხელ ხაზზე, ფიქსირებული ქსელიდან 11 00 00 ან მობილური ტელეფონიდან 0800 00 5050 (თბილისი) 0800005051(ქუთაისი), ზარი უფასოა.

7.2.5 სახელმწიფო ბიუჯეტით გათვალისწინებული თანხების უწყვეტი დაფარვის პირობებში უზრუნველყოს მიმწოდებლის დროული და სრული დაფინანსება.

7.2.6 დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.7 დაიცვას ხელშეკრულებით გათვალისწინებული ყველა პირობა.

## **8. მხარეთა უფლებები**



8.1 მიმწოდებელს უფლება აქვს ხელშეკრულების ფარგლებში მოითხოვოს დროული და სრული დაფინანსება.

8.2 მომხმარებლის მიერ მიმდინარე თვის 25 რიცხვამდე მომსახურების საფასურის გადაუხდელობის შემთხვევაში შეუჩეროს მომსახურების გაწევა და შესაბამისად, ამ პერიოდზე არ დაარიცხოს მომსახურების საფასური.

8.3 თუ მომხმარებელი მომსახურების შეჩერებიდან 45 დღის ვადაში არ დაფარავს დავალიანებას და ხელახალი ჩართვის საფასურს 1 (ერთი) ლარს, წინამდებარე ხელშეკრულება ცალმხრივად შეწყვეტოს.

8.4 მიმწოდებელი პასუხს არ აგებს იმ ზარალისთვის რაც შემსყიდველს შეიძლება მიაღვეს შემსყიდველის კომპიუტერში მესამე პირის მიერ უსანქციო ან შემსყიდველის მიერ სანქცირებული შეღწევის შედეგად, ვინაიდან მიმწოდებლის მოვალეობა შემოიფარგლება მხოლოდ მონაცემებისა და ინფორმაციის გატარების (მიწოდების) უზრუნველყოფით და თავად შემსყიდველია პასუხისმგებელი მისი კუთვნილი სისტემის დაცვაზე მესამე პირის მხრიდან ხელყოფისგან.

8.5 მიმწოდებელი არ არის ვალდებული შემსყიდველის ქმედებით გამოწვეული დაზიანების შემთხვევაში შეაკეთოს მის ფართში არსებული შიდა ქსელი, დაზიანების შეკეთება ჩაითვლება ფასიან სერვისად და საფასური განისაზღვრება ინდივიდუალურად დაზიანებიდან გამომდინარე. აღნიშნულზე შედგება შეთანხმება და შესრულებული სამუშაოს მიღება-ჩაბარების აქტი.

8.6 შემსყიდველს უფლება აქვს:

8.6.1 აწარმოოს ხელშეკრულების პირობების შესრულების მონიტორინგი.

8.6.2 თავისი შეხედულებისამებრ ისარგებლოს მომსახურებით დღე-ღამის ნებისმიერ მონაკვეთში და გამოიყენოს იგი ნებისმიერი მიზნებისთვის, გარდა მოქმედი კანონმდებლობით აკრძალულისა.

9. ფორს-მაჟორი

9.1 ხელშეკრულების შეუსრულებლობა ან მისი რომელიმე პუნქტის მოქმედების შეჩერება ფორს-მაჟორული გარემოებების დადგომის შემთხვევაში არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2. ამ მუხლის მიზნებისათვის 'ფორს-მაჟორი' ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დამოკიდებული შემსყიდველზე და/ან მიმწოდებელზე რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველივე შესაძლებლობისთანავე დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, შემსყიდველს მიმწოდებლის მიერ ეცნობება ცვლილებების შესახებ შეტყობინების სახით რეგლამენტით დადგენილი წესით. შემსყიდველი არ არის ვალდებული წარუდგინოს მიმწოდებელს



რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ღირებულება შეიცვლება საქართველოს სამოქალაქო კოდექსის 398-ე მუხლით გათვალისწინებულ შემთხვევაში.

#### 11. სადაო საკითხების გადაწყვეტა

11.1. შემსყიდველმა და მიმწოდებელმა ყველა დონე უნდა იხმარონ, რათა შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

#### 12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

#### 13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების არაჯეროვნად შესრულების ან შეუსრულებლობის შემთხვევაში მხარეებს ეკისრებათ პირგასამტეხლო მიმდინარე თვის გადასახადის 0,01%-ის ოდენობით, ყოველ ვადაგადაცილებულ დღეზე.

13.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, მეორე მხარეს უფლება აქვს შეწყვიტოს ხელშეკრულება.

#### 14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1 მხარეთა შეთანხმებით;

14.1.2 ერთი მხარის მიერ 10 (ათი) სამუშაო დღის განმავლობაში ფორსმაჟორული გარემოებების არარსებობის შემთხვევაში ხელშეკრულებით ნაკისრი ვალდებულებების შეუსრულებლობისათვის.

14.1.3 ერთ-ერთი მხარის ინიციატივით, მეორე მხარის წერილობითი გაფრთხილებიდან 10 (ათი) სამუშაო დღის განმავლობაში, არსებული დავალიანების სრულად დაფარვისა და სარგებლობაში გადაცემული აპარატურის დაბრუნების პირობებში;

14.1.4 ხელშეკრულების 13.3 პუნქტით გათვალისწინებულ შემთხვევაში.

14.1.5 საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

#### 15. ინსპექტირების პირობები

15.1 ხელშეკრულების შესრულების კონტროლს განახორციელებს შემსყიდველის დირექტორის ბრძანებით განსაზღვრული უფლებამოსილი პირი/პირები.

15.2 წინამდებარე ხელშეკრულების 15.1. პუნქტით გათვალისწინებული პირის ფუნქციებია:

15.2.1 გაწეული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;



15.2.2 ინსპექტირების დასკვნის მომზადება და მიღება-ჩაბარების აქტის გაფორმება.

15.2.3 საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

16. ხელშეკრულების მოქმედების ვადა

16.1 წინამდებარე ხელშეკრულება ძალაში შედის ხელმოწერისთანავე და მოქმედებს 2018 წლის 01 თებერვლამდე.

17. განსაკუთრებული პირობები

17.1 ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს.

17.2 ხელშეკრულების 2 ეგზემპლარი ინახება მიმწოდებელთან 1 ეგზემპლარი - შემსყიდველთან.

### 18. მხარეთა იურიდიული მისამართები და რეკვიზიტები

#### „შემსყიდველი“

ა(ა)იპ ზესტაფონის მუნიციპალიტეტის  
სკოლამდელი აღზრდის დაწესებულებების  
გაერთიანება

კოდი: LBRTGE22

სს ლიბერთი ბანკი

ანგარიშის № GE91 LB 0 115157905848000

ს/კ 230091414



დირექტორი

#### „მიმწოდებელი“


შ.პ.ს „ახალი ქსელები“  
ქ.ქუთაისი, ბარათაშვილის #74

ს/ს „თიბისი ბანკი“

კოდი № TBCBGE22

ა/ა #GE74TB7741136070100001

ს/კ № 211326732



ლეილა ფხაკაძე  
განყოფილების მმართველი

24 საათის განმავლობაში ხელმისაწვდომი ცხელი ხაზი ტელეფონის ნომერი - ფიქსირებული ქსელიდან 11 00 00  
მობილურიდან 800 00 50 50(თბილისი)/0800 00 50 51(ქუთაისი);

შპს „ახალი ქსელების“ მომსახურების ტარიფები (შეიცავს დღგ-ს):

I. მომსახურების მიღების თარიღის განსაზღვრა – 15 დღე  
(გარდა იმ შემთხვევისა, როდესაც მხარეები თანხმდებიან სხვა ვადაზე).

II. ძირითადი მომსახურების ტარიფები:

1. ტელეფონის დადგმა (ტექნიკური საშუალების არსებობის შემთხვევაში) – 30 ლარი. სხვა შემთხვევაში, ფასი ჩასატარებელი სამუშაოების სასმეტო თანხიდან გამომდინარე.
2. არსებული ტელეფონების სერიულად მოწყობა 50 ლარი;
3. საბიუჯეტო ორგანიზაციების სატელეფონო მომსახურების ყოველთვიური სააბონენტო გადასახადი - 2 ლარი, ადგილობრივი სატელეფონო საუბრები:  
– შიდა ქსელში („ახალი ქსელები“, „ახტელი“) უფასო სალიმიტო დრო 300 წუთი;  
– სალიმიტო დროის გადაჭარბების შემთხვევაში შიდა ქსელში („ახალი ქსელები“, „ახტელი“) ადგილობრივი სატელეფონო საუბრების წუთობრივი გადასახადი დღის საათებში (8:24) 2 თეთრი, ღამის საათებში (24:8) 1 თეთრი;  
გარე ქსელში (სხვა ოპერატორის ქსელის მიმართულებით) ადგილობრივი სატელეფონო საუბრების 1 წუთი - 4 თეთრი,
4. არასაბიუჯეტო საწარმოს სატელეფონო მომსახურების ყოველთვიური

სააბონენტო გადასახადი - 10 ლარი, ადგილობრივი სატელეფონო საუბრები:

- შიდა ქსელში („ახალი ქსელები“, „ახტელი“) უფასო სალიმიტო დრო 300 წუთი;
- სალიმიტო დროის გადაჭარბების შემთხვევაში შიდა ქსელში („ახალი ქსელები“, „ახტელი“) ადგილობრივი სატელეფონო საუბრების წუთობრივი გადასახადი დღის საათებში (8:24) 2 თეთრი, ღამის საათებში (24:8) 1 თეთრი;
- გარე ქსელში (სხვა ოპერატორის ქსელის მიმართულებით) ადგილობრივი სატელეფონო საუბრების 1 წუთი - 4 თეთრი,
- 5. ყველა კატეგორიის აბონენტებისათვის ხაზის და სატელეფონო ნომრის შენარჩუნების

სააბონენტო გადასახადი (ტარიფი) თვეში – 0.50 ლარი;


6. ტელეფონის ნომრის შეცვლა ( აბონენტის თხოვნით) 10 ლარი;
7. ტელეფონის გადაფორმება 5 ლარი,

„მიმწოდებელი“

შპს „ახალი ქსელების“

ქუთაისის განყოფილების მმართველი:


\_\_\_\_\_ლეილა ფხაკაძე



„შემსყიდველი“

ა(ა)იპ ზესტაფონის მუნიციპალიტეტის სკოლამდელი  
აღზრდის დაწესებულებების გაერთიანება

\_\_\_\_\_ზოია ლელაძე



## შპს “ახალი ქსელების” ინტერნეტ მომსახურების ტარიფები


(ფასები მოცემულია ლარებში, დღგ-ს ჩათვლით)

| ოპტიკა      |            |         |          |
|-------------|------------|---------|----------|
|             | სიჩქარე    | ტარიფი  | + WiFi * |
| მინიმალური  | 20 მგბ/წმ  | 22 ლარი | 24 ლარი  |
| სტანდარტი   | 28 მგბ/წმ  | 32 ლარი | 34 ლარი  |
| სტანდარტი + | 40 მგბ/წმ  | 39 ლარი | 41 ლარი  |
| პრემიუმი    | 50 მგბ/წმ  | 49 ლარი | 51 ლარი  |
| პრემიუმი +  | 70 მგბ/წმ  | 69 ლარი | 71 ლარი  |
| ბიზნესი     | 100 მგბ/წმ | 99 ლარი | 101 ლარი |

| ADSL        | სიჩქარე             | გარანტ. სიჩქარე | ტარიფი  |
|-------------|---------------------|-----------------|---------|
|             |                     | (გლობალური)     |         |
| მინიმალური  | 2 მგბ/წმ - 5 მგბ/წმ | 2 მგბ/წმ        | 22 ლარი |
| სტანდარტი   | 3 მგბ/წმ - 5 მგბ/წმ | 3 მგბ/წმ        | 32 ლარი |
| სტანდარტი + | 4 მგბ /წმ- 5 მგბ/წმ | 4 მგბ/წმ        | 39 ლარი |
| პრემიუმი    | 5 მგბ/წმ - 8 მგბ/წმ | 5 მგბ/წმ        | 49 ლარი |
| პრემიუმი +  | 6 მგბ/წმ - 8 მგბ/წმ | 6 მგბ/წმ        | 69 ლარი |
| ბიზნესი     | 7 მგბ/წმ - 8 მგბ/წმ | 7 მგბ/წმ        | 99 ლარი |

პენიშენა: WiFi-ს ჩართვა/გამორთვა 1 ლარი

„მიმწოდებელი“  
შპს „ახალი ქსელების“  
ქუთაისის განყოფილების მმართველი:



.....ლეილა გვახია



„შემსყიდველი“  
ა(ა)იპ ზესტაფონის მუნიციპალიტეტის სკოლამდელი  
აღზრდის დაწესებულებების გაერთიანება



.....ზოია ლელაძე